



四庫全書

薈要

【集部】

乾隆
御覽本

四庫全書薈要

集部
第二冊

吉林人民出版社

欽定四庫全書薈要

集部
王子安集卷二

臣王杰詳校
詳校官助教臣常循



王子安集目錄

卷一

賦

春思賦 并序

七夕賦

九成宮東臺山池賦 并序

遊廟山賦 并序

欽定四庫全書

王子安集
目錄

寒梧棲鳳賦

江曲孤鳬賦 并序

馴鵲賦

卷二

賦

採蓮賦 并序

澗底寒松賦 并序

慈竹賦 并序

青苔賦并序

四言古詩

俾彼我系

勃兄勵序

五言古詩

上巳浮江宴韻得趾字

春日宴樂遊園韻得接字

山亭夜宴

詠風

欽定四庫全書

王子安集

懷仙并序

忽夢遊仙

七言古詩

秋夜長

採蓮曲

臨高臺

滕王閣

江南弄

落花落

寒夜懷友二首

六言古詩附

雜曲

卷三

五言律詩

銅雀妓二首

聖泉宴并序

欽定四庫全書

王子安集

尋道觀

即昌利觀張天師居也

散關晨度

別薛華

重別薛華

遊梵宇三覺寺

麻平晚行

送盧主簿

餞韋兵曹

白下驛餞唐少府

杜少府之任蜀州

仲春郊外

郊興

郊園即事

觀佛跡寺

山居晚眺贈王道士

八仙逕寺南又有昌利觀去寺可數里巖逕窈窕杖而後進

欽定四庫全書

王子安集

四

春日還郊

對酒春園作

觀內懷仙

秋日別王長史

上巳浮江宴韻得遙字

長柳

羈遊饒別

易陽早發

焦岍早行和陸四

深灣夜宿主人依山帶江

傷裴錄事喪子

五言排律

泥谿

秋日仙遊觀贈道士一作駱賓王詩無首四句

出境遊山二首

三月曲水宴得煙字

欽定四庫全書

王子安集

五

盧照鄰和得樽字附

五言絕句

晚屆鳳州

羈春

林塘懷友

山扉夜坐

春莊

春遊

春園

林泉獨飲

登城春望

他鄉敘興

夜興

臨江二首

江亭夜月送別二首

別人四首

欽定四庫全書

王子安集
目錄

贈李十四四首

早春野望

山中

冬郊行望

寒夜思友三首

始平晚息

扶風書局離京浸遠

普安建陰題壁

九日

七言絕句

秋江送別二首

蜀中九日登玄武山旅眺

盧照鄰九月九日玄武山旅眺附

邵大震九月九日登玄武山旅眺附

河陽橋代寶郎中佳人荅揚中舍

卷四

欽定四庫全書

王子安集
目錄

序

續書序

黃帝八十一難經序

四分律宗記序

入蜀紀行詩序

三月上巳祓禊序

守歲序

山亭興序

山亭思友人序

卷五

序

滕王閣詩序

遊山廟序

梓潼南江泛舟序

上巳浮江宴序

綿州北亭羣公宴序

欽定四庫全書

王子安集
目錄

八

夏日登龍門樓寓望序

秋日遊蓮池序

越州秋日宴山亭序

秋日宴洛陽序

卷六

序

晚秋遊武擔山寺序

宇文德陽宅秋夜山亭宴序

遊冀州韓家園序

夏日宴張二林亭序

夏日宴宋五官宅觀畫障序

秋日宴李處士宅序

春日孫學士宅宴序

與員四等宴序

夏日諸公見尋訪詩序

仲氏宅宴序

欽定四庫全書

王子安集
目錄

九

江寧吳少府宅餞宴序

還冀州別洛下知己序

春夜桑泉別王少府序

卷七

序

秋日楚州郝司戶宅餞崔使君序

秋晚入洛於畢公宅別道王宴序

越州永興李明府宅送蕭三還齊州序

秋夜於綿州羣官席別薛昇華序

秋日餞別序

冬日羈游汾陰送韋少府入洛序

餞宇文明序

感興奉送王少府序

別盧主簿序

送李十五序

送白七序

送勅弟赴太學序

卷八

表

上九成宮頌表

上拜南郊頌表

為原州趙長史請為亡父度人表

啓

上從舅侍郎啓

上武侍極啓

又

上李常伯啓

上皇甫常伯啓

又

上吏部裴侍郎啓

上明員外啓

上許左丞啓

上郎都督啓

卷九

書

上劉右相書

上絳州上官司馬書

為人與蜀城父老書

又

與契苾將軍書

上百里昌言疏附

卷十

論

三國論

八卦卜大演論

平臺秘畧論十首

孝行一

貞修二

藝文三

忠武四

善政五

尊師六

褒客七

幼俊八

規諷九

慎終十

欽定四庫全書

王子安集
目錄

上

卷十一

頌

乾元殿頌并序

拜南郊頌并序

卷十二

頌

九成宮頌并序

贊

平臺秘畧贊

孝行第一

貞修第二

藝文第三

忠武第四

善政第五

尊師第六

褒客第七

欽定四庫全書

王子安集
目錄

上

幼俊第八

規諷第九

慎終第十

卷十三

碑

彭州九隴縣孔子廟堂碑

彭州九隴縣龍懷寺碑

卷十四

碑

梓州玄武縣福會寺碑

梓州飛鳥縣白鶴寺碑

梓州通泉縣惠普寺碑

卷十五

碑

益州德陽縣善寂寺碑

益州綿竹縣武都山淨慧寺碑

梓州郫縣兜率寺浮圖碑

梓州郫縣靈瑞寺浮圖碑

卷十六

碑

廣州寶莊嚴寺舍利塔碑

行狀

常州刺史平原郡開國公行狀

臣等謹案王子安集十六卷唐王勃撰勃字

欽定四庫全書

王子安集

五

子安絳州龍門人通之孫仕虢州參軍坐事

除名以渡海溺死事蹟具唐書文苑傳勃文

思敏贍本傳稱其有文集三十卷而楊炯集

序則謂分為二十卷具諸篇目洪邁容齋隨

筆亦稱今存者二十卷蓋猶舊本自明已來

其集久佚原目遂不可考世所傳初唐十二

家集所載勃集僅詩賦二卷而已此本乃明

崇禎中閩人張燮搜輯文苑英華諸書編為

一十六卷已非唐宋之舊而視別本之闕略

者則較為完善勅文為四傑之冠以當時為
裴行儵所譏後代遂以為口實然行儵但論
其器識非論其文藝杜甫嘗比以江河萬古
又比以龍文虎脊歷塊過都韓愈作滕王閣
記亦稱得三王所為序賦記等壯其文詞又
稱竊喜載名其上詞列三王之次有榮耀焉
杜詩韓筆皆弁冕有唐而其持論如是則耳

欽定四庫全書

王子安集

六

食者亦可以息喙矣乾隆四十一年六月恭
校上

總纂官臣紀昀臣陸錫熊臣孫士毅

總校官臣陸費墀

唐王子安集舊序

大矣哉文之時義也有天文焉察時以觀其變有人文
焉立言以重其範歷年滋久遞為文質應運以發其明
因人以通其粹仲尼既沒游夏光洙泗之風屈平自沈
唐宋弘汨羅之跡文儒於焉異術詞賦所以殊源逮秦
氏燔書斯文天喪漢皇改運此道不還賈馬蔚興已虧
於雅頌曹王傑起更失於風騷僊俛大猷未忝前載洎
乎潘陸奮發孫許相因繼之以顏謝申之以江鮑梁魏

欽定四庫全書

王子安集

一

羣材周隋眾制或苟求蟲篆未盡力於丘墳或獨徇波
瀾不尋源於禮樂會時沿革循名抑揚多守律以自全
罕非常而制物其有飛馳倏忽倜儻紛綸鼓動包四海
之名變化成一家之體蹈前賢之未識探先聖之不言
經籍為心得王何於逸契風雲入思叶張左於神交故
能使六合殊材並推心於意匠八方好事咸受氣於文
樞出軌躅而驟首馳光芒而動俗非君之博物孰能致
於此乎君諱勃字子安太原祁人也其先出自有周潯

哲文明之裔隱乎炎漢弘宣高尚之風晉室南遷家聲
布於淮海宋臣北徙門德勝於河汾宏材繼出達人間
峙祖父通隋秀才高第蜀郡司戶書佐蜀王侍讀大業
末退講藝于龍門其卒也門人謚之曰文中子聞風睹
輿起予道惟揣摩三古開闢八風始擯落於鄒韓終激
揚於荀孟父福時歷任太常博士雍州司功交趾六合
二縣令為齊州長史抑惟邦彥是曰人宗絕六藝以成
能兼百行而為德司馬談之晚歲思弘授史之功揚子

雲之暮年遂起參玄之數君之生也含章是託神何繇
降星辰奇偉之精明何繇出家國賢才之運性非外獎
智乃自然孝本乎未名人應乎初識器業之敏先乎就
傳九歲讀顏氏漢書撰指瑕十卷十歲包綜六經成乎
暮月懸然天得自符昔訓時師百年之學旬日兼之昔
人千載之機立談可見居難則易在塞咸通於術無所
滯於詞無所假幼有鈞衡之畧獨負舟航之用年十有
四時譽斯歸太常伯劉公巡行風俗見而異之曰此神

童也因加表薦對策高第拜為朝散郎沛王之初建國
也博選奇士徵為侍讀奉教撰平臺鈔畧十篇書就賜
帛五十疋先鳴楚館孤峙齊宮乘恩側目應劉失步臨
秀不容尋返初服遠遊江漢登降岷峨觀精氣之會昌
翫靈奇之肘靈考文章之跡徵造作之程神機若助日
新其業西南洪筆咸出其詞每有一文海內驚瞻所製
九隴縣孔子廟堂碑文宏偉絕人稀代為實正平之作
不能奪也咸亨之初乃參時選三府交辟遇疾辭焉友

人陸季友時為虢州司法盛稱弘農藥物迺求補虢州
叅軍坐免歲餘尋復舊職棄官沈跡就養于交趾焉長
卿坐廢於時君山不合於朝豈無媒也其惟命乎富貴
比於浮雲光陰踰於尺璧著撰之志自此居多觀覽舊
章翔翔羣勢隨方滲漉于何不盡在乎詞翰倍所用心
嘗以龍朔初載文場變體爭構纖微競為雕刻標之金
玉龍鳳亂之朱紫青黃影帶以徇其功假對以稱其美
骨氣都盡剛健不聞思華其弊用光志業薛令公朝右

文宗託末契而推一變盧照鄰人間才傑覽清規而輟
九攻知音與之矣知已從之矣於是鼓舞其心發洩其
用八紘馳騁於思緒萬代出沒於毫端契將往而必融
防未來而先制動搖文律宮商有奔命之勞沃蕩詞源
河海無息肩之地以茲偉鑒取其雄伯壯而不虛剛而
能潤雕而不碎按而彌堅大則用之以時小則施之有
序徒縱橫以取勢非鼓怒以為資長風一振衆萌自偃
遂使繁綜淺衍無藩籬之固紛繪小才失金湯之險積

欽定四庫全書

王子安集

四

年綺碎一朝清廓翰苑豁如詞林增峻反諸宏博君之
力焉矯枉過正文之權也後進之士翕然景慕久倦樊
籠咸思自釋近則面受而心服遠則言發而響應教之
者逾於激電傳之者速於置郵得其片言而忽焉高視
假其一氣則邈矣孤騫竊形骸者既昭發於樞機吸精
微者亦潛附於聲律雖雅才之變例誠壯思之雄宗也
妙異之徒別為縱誕專求恠說爭發大言乾坤日月張
其文山河鬼神走其思長句以增其滯客氣以廣其靈

已逾江南之風漸成河朔之制謬稱相述罕識其源扣
純粹之精機未投足而先逝覽奔放之偏節已滯心而
忘返迺相循於跼步豈見習於通方信譎不同非墨翟
之過重增其放豈莊周之失唱高罕屬既知之矣以文
罪我其可得乎君以為擣藻彫章研幾之餘事知來藏
往探賾之所宗隨時以發其惟應便稽古以成其殆察
微循紫宮於北門幽求聖律訪玄扈於東洛響像天人
每攬韋編思弘大易周流窮乎八索變動該乎四營為
之發揮以成注解嘗因夜夢有稱孔夫子而謂之曰易
有太極子其勉之寤而循環思過半矣於是窮著蔡以
像古考爻彖以情言既乘理而得玄亦研精而徇道虞
仲翔之盡思徒見三爻韓康伯之成功僅踰兩繫君之
所注見光前古與夫發天地之秘藏知鬼神之情狀者
合其心矣君又以幽贊神明非杼軸於人事經營訓導
迺優游於聖作於是編次論語各以羣分窮源造極為
之古訓仰貫一以知歸希體二而致遠為言式序大義

欽定四庫全書

王子安集

五

昭然文中子之居龍門也睹隋室之將喪知吾道之未
行循歎鳳之遠圖宗獲麟之遺制裁成大典以贊孔門
討論漢魏迄于晉代刪其詔命為百篇以續書甄正樂
府取其雅興為三百篇以續詩又自晉太熙元年至隋
開皇九年平陳之歲褒貶行事述元經以法春秋門人
薛收竊慕因為元經之傳未就而歿君思崇祖德光宣
興義續薛氏之遺傳制詩書之衆序包舉藝文克融前
烈陳羣稟太丘之訓時不逮焉孔伋傳司寇之文彼何
功矣詩書之序並冠於篇元經之傳未終其業命不我
與有涯先謝春秋二十八皇唐上元三年秋八月不改
其樂顏氏斯殂養空而游賈生終逝嗚呼天道何哉所
注周易窮乎晉卦又注黃帝八十一難幸就其功撰合
論十篇見行於代君平生屬文歲時不倦綴其存者纔
數百篇嗟乎促齡材氣未盡歿而不朽君子貴焉兄勔
及勔磊落詞韻鏗鏘風骨皆九變之雄律也弟助及勔
摠括前藻網羅羣思亦一時之健筆焉友愛之至人倫

所及永言存歿何痛如之援翰記文咸所未思蓋以投
分相期非宏辭說潸然孽涕究而序之分為二十卷具
諸篇目三部盛作恨不序於生前七志良書空得撰於
身後神其不遠道或存焉華陰楊炯撰

王子安集卷一

唐 王勃 撰

賦

春思賦 并序

咸亨二年余春秋二十有二旅寓巴蜀浮遊歲序殷憂
明時坎壈聖代九隴縣令河東柳太易英達君子也僕
從遊焉高談胸懷頗洩憤懣于時春也風光依然古人
云風景不殊舉目有山河之異不其悲乎僕不才耿介
之士也竊稟宇宙獨用之心受天地不平之氣雖弱植
一介窮達千里未嘗下情於公侯屈色於流俗凜然以金
石自匹猶不能忘情於春則知春之所及遠矣春之所
感深矣此僕所以撫窮賤而惜光陰懷功名而悲歲月
也豈徒幽宮狹路陌上桑間而已哉屈平有言目極千
里傷春心因作春思賦庶幾乎以極春之所至以析心
之去就云爾

若夫年臨九域韶光四極解宇宙之嚴氣起亭臯之春

欽定四庫全書

王子安集

二

色况風景兮同序復江山之異國感大運之虛盈見長

河之紆直蜀川風候隔秦川今年節物異常年霜前柳

葉銜霜翠雪裏梅花犯雪妍霜前雪裏知春早看柳看

梅覺春好思萬里之佳期憶三秦之遠道澹蕩春色悠

揚懷抱野何樹而無花水何堤而無草於是僕本恨人

平生自淪懷書去洛抱劍辭秦惜良會之適邁厭他鄉

之苦辛忽逢邊候改遙憶帝鄉秦帝鄉迢遞關河裏神

臯欲暮風煙起黃山半入上林園玄灞斜分曲江水玉

臺金闕紛相望千門萬戶遙相似昭陽殿裏報春歸未

央臺上看春暉水精却掛駕鸞慢雲母斜開翡翠幃競

道西園梅色淺爭知北闕柳陰稀斂態調歌扇迴身正

舞衣銀蠶吐絲猶未暖金燕銜泥試學飛妾本幽閨學

歌舞寧知漢代多巡撫前年齋祭謁甘泉今歲笙簫祠

后土桃花萬騎喧長薄蘭葉千旗照平浦見原野之芳

春憶山河之遠古長干路狹遠長安公子春來不厭看

杏葉裝金轡蒲萄縷玉鞍聲蓋臨平樂迴笳出上蘭上

杏葉裝金轡蒲萄縷玉鞍聲蓋臨平樂迴笳出上蘭上

欽定四庫全書

王子安集

二

蘭經郭杜揮鞭日將暮白馬新臨御溝道青牛近出章
臺路章臺接建章垂柳復垂楊草開馳馬埒花滿關雞
場南隣少婦多妖婉北里王孫駐行轡乍怪前春節候
遲預道今年寒食晚傷紫陌之春度惜青樓之望遠紫
陌青樓照月華珠帷繡帳七香車蛾眉畫來應幾樣蟬
鬢梳時半欲斜恨雕鞍之屆晚痛銀箭之更賒行行避
葉步步看花因狂夫之蕩子成賤妾之倡家狂夫去去
無窮已賤妾春眠春未起自有蘭閨數十重安知翰塞
欽定四庫全書
王子安集
卷一
三

猶駐鴈門關君度山川成白首應知歲序歇紅顏紅顏
一別成胡越夫婿連延限城關羌笛橫吹隴路風戎衣
直照關山月春色已徒盈望春悲殊未歇復聞天子幸關
東馳道煙塵萬里紅折羽搖初日繁笳思曉風後騎猶
分長樂館前旌已映洛陽宮洛陽宮城紛合沓離房別
殿花周匝河陽別舍抵長河丹輪紺轡相經過戚里繁
珠翠中閨盛綺羅鳳移金谷舞鸞引石城歌向夕天津
洛橋暮爭驅紫燕黃牛度間居伊水園舊宅邛山路武
欽定四庫全書
王子安集
卷一
四

子新布金錢埒季倫欲碎珊瑚樹復道西墉春霧寒更
值南津春望寫入金市而乘羊出銅街而試馬葉抱露
而爭密花牽風而亂下錦障紫山羅幃照野司空令尹
之博物二陸三張之文雅新年柏葉之樽上已蘭英之
竿春來併是春何啻兩違秦忽逢江外客復憶江南春
羅衣乘北渚錦袖出東隣江邊小婦無形迹特怨狂夫
事行役鳳凰山上花無數鸚鵡洲中草如積春江澹客
與春期無處所春水春魚樂春汀春鴈舉君道玉門關

何如金陵渚為問逐春人年光幾處新何年春不至何地不宜春亦有當春逢遠客亦有當春別故人風物雖同候悲歡各異倫歸去春山恣聞鶯蕙晚蘭華行可望何為悠悠坐惆悵比來作客住臨邛春風春日自相逢石鏡巖前花屢密玉輪江上葉頻濃高平灞岸三千里少道梁山一萬重自有春花煎別思無勞春鏡照愁容盛年耿耿辭鄉國長路遙遙不可極形隨朗月驟東西思逐浮雲幾南北春蝶參差命儔侶春鶯綿蠻思羽翼

欽定四庫全書
王子安集
卷一
五

余復何為此方春長歎息會當一舉絕風塵翠蓋朱軒臨上春朝昇玉署調天紀夕憩金閨奉帝綸長卿未達終希達曲逆長貧豈剝貧年年送春應未盡一旦逢春自有人

七夕賦

若夫乾靈鵲識之端地輔龍驂之始憑紫都而受歷按玄丘而命紀鳳毛鍾桂閭之祥麟角燦椒庭之祉馳朱軒於九域振黃麾於萬里抗芝館而星羅擢蘭宮而霞起則有皇慈霧洽聖渥天浮庭分玉禁邸瞰金樓剪見洲於細柳披鶴籞於長楸啟魚鈴而分帝術授虹蜺而控神州擁黃山於石磴洩玄灞於銅溝列瑤牕而送燠闌銀牖而迎秋君王乃排青幌搖朱舄戒鵷輿靜鸞掖繞靈廊而轉步僊雲阡而縱跡嘯陳客於金牀命淮仙於桂席翔翠輦於雲甸迎吹簫於鳳驛佇靈匹於星期眷神姿於月夕于時玉繩湛色金漢斜光煙淒碧樹露濕銀塘視蓮潭之變彩見松院之生涼引驚蟬於寶瑟宿蘭燕於瑤筐綠臺兮千仞頽樓兮百常拂花筵而慘惻披彩序而徜徉結遙情於漢陌飛永睇於霞莊想佳人兮如在怨靈歡兮未揚促遙悲於四運味遺歌於七襄於是虬簷晚靜魚扃夜飾忘帝子之光華下君王之

欽定四庫全書
王子安集
卷一
六